

YUDAS

Yudasnge wane kuyarna

Maria nu Yesus te-pilna sulumba ngumneŋga nu maŋ kiŋo bailkamba turmba kile-patikina ta nyu kat nanŋine Yakobus Yosef Simon Yudas. Ta tuku pasa ande Mateus 13.55 mbolŋge minit.

Wane te Yudasnge kuyarna. Aba nuŋe Yakobus tuku wane mata Kuate tuku Pasa mbolŋge minit.

¹ Ye Yudas Yakobus tuku mambo nuŋe Yesus Kristus tuku piro tango. Tane Mam Kuatenŋe wikina mbal nu tane tuku kume purte le Yesus Kristusŋe kulatkate ta tane ŋakmba kaiye.

² Kuate nu lato lato tane sinanu mapeka ŋgamuŋgal mukuk wamdus bul sertinmba tane tuku kume purwa. Son.

Yabri tum mbal

³ Tira kame, Kristus nu sine muskil kile-tidinge siŋgina wam mayenu ta ye tane tuku kuyaram sunŋomba iduset ta ye wam ande ismba kile rironŋ pasa ndo kuyaret. Sine son ngeg pasa Kuate nuŋe mbal siŋgina ta tango afunŋe pasa ta mbilam tago-tagode ta tane sanŋri tinŋa pitaikap. ⁴ Tane gilai minig le Kuate ngumnede mbal afu tane ngamukŋge mayok kinig ta ye tane kila satinŋet. Nane nanŋine wamdusmbi Kuate tuku maŋau mayenu mbilmba nu sine make patikate ŋga kiko kugatok unekade sulumba siŋgine Sunŋo Yesus Kristus pitaide. O buk Kuate nu nuŋe kuyar pasa mbolŋge mbal ta ŋgisikamŋgaig ŋga sakina.

⁵ Tane wam te buk isnaig ta maŋ lato idusam tuku satinŋamŋgit. Kuate nu Israel mbal Isipŋge muskil kile-tidingina sulumba ŋgumnenga mbal ta tuku afu nu talanaig ta bale farna. ⁶ Nu eŋel mata mape ndakina. Nane afu lato nyu sugo kilam tuku idusmba naŋgine kulatkanu ma kusrekenaig ta Kuate nu nane ma make suŋgo sinamŋge patika muli kareŋnumbi kuse likina le minmba minig. Ait suŋgo mbolŋge Kuate nu nane pileniŋmba pa niŋgamŋgat.

⁷ Sodom le Gomora tumbran afu patukŋge mine likinaig ta turmba Kuate tuku pa kaŋgernaig. Eŋel ŋaigonu nane maŋau kinaig taŋamba ndo nane uneka pino taŋgo ndoŋ mine maŋau mbilmba une ŋaigonu kinaig le Kuate nu nane ŋakmba pasokina. Maŋau ŋaigonu kade mbal taŋamba pa tam tuku tumsinŋgit.

⁸ Taŋamba ndo yabri tum mbal ta kiŋambi ŋgarosu kutur tuwig sulumba naŋgine kulat mbal pitaika samba mbolok guwa magenu tumail panningig. ⁹ Ata. Eŋel kame tuku gabat suŋgo Mikael nu Satan ndoŋ Moses tuku mindesiŋ tam tuku kua-leyaukinaik ta nu Satan tumail panmba sawe li ndakina. Kuga. Suŋgoŋge ne sane likamŋgat ŋga Satan sana. ¹⁰ Ndaŋam tuku yabri tum mbal nane agaŋ afu sine ammbi nda kaŋgerkeg ta tugu nu nane gilai minmba tumail panningig? Nane agaŋmor taŋaŋ wamdus kugatok naŋgine nzali ndo dubikade le wam ta luka naŋgine kanu ŋaigo siglikate. ¹¹ Osese. Nane Kain tuku maŋau dubide. Nane Balam taŋaŋ ndametiŋ kilam tuku piririmba wam ŋaigonu kam idusde. Nane Kora

tañan Kuate tuku pasa pitaimba ngisikade.

¹² Tane wamdus ndindo ñak manjurka pagumba nye sungo ait mbolnge nane kiko kugatok tañan tane ndon isukusmba tane tuku manau mayenu ta kutur mbilmbilde. Nane mbesignannga afu tañaignga nangine ngarosu ndo isukusneningig. Nane gau dabuk dabuk bubrenge tumba pinderkate tañan ake ñule parak pasa sakade. Nane kumzan ail nangine ait mbolnge alo ndade le gode le kumig tañan. ¹³ Yu mbalo subalnu tu ñak mayok kinig tañan nangine kiko manau kilimok mayok kinit. Mbai afu ndin ndindo dubi ndaka fare fare likade tañan nane yabri ndin ndo dubikade. Kuate nu ma make sungo nane tuku madina le nane ta sinamnge minmba minamngaig.

¹⁴ Adam tuku sikar sikar tuku wa nuñe Enok nu mayok ka yabri tum mbal ta tuku dir pasa teñenmba sakina. Tane isap. Sungo nu nuñe enjel gudommba ñak prowamngat. ¹⁵ Nu prowa sulumba tañgo pileniñmba nane nu pitaimba manau ñaigonu kade mbal ko nu mbulmba pasa ñaigonu tuwig mbal nane ñakmba kilmba pasa mbolnge patikamngat ngina.

¹⁶ Yabri tum mbal nangine mine ñakmba tuku minde simba gubra tumba minig. Nane nangine ngarosu tuku nzali kutur dubikade. Nane miñge fetka nangine ngarosu payamka afu tuku agañ ndende kilam tuku wam sa kuakingade.

Riron pasa afu

¹⁷ Tira kame, singine Sungo Yesus Kristus tuku aposel kame nane manau afu ngumnennga prowam tuku sakinaig ta gilai ndanngap. ¹⁸ Nane

tenjemba satinġinaig. Kugawam tuku ait mbolġe nane afu Kuate tuku pasa usre kupetmba nu ngumnemba nanġine nġarosu tuku nzali kutur nġak ta dubikamnġaig nġa satinġinaig. ¹⁹ Mbal kame tanġe tanġo pur yimyam ninġig. Nane kilke mbol mbal ndo Tukul Guwa kugatok.

²⁰ Nane tanġade ta tanenġe Kuate tuku pasa sine son nġeg ta idusmba nġak sugokap sulumba Tukul Guwa mbolġe Kuate yabanġap. ²¹ Kuate nu tane tuku kume purte wam ta kusre ndamba nu tugumnġe minap. Sinġine Sunġo Yesus Kristus nu tane mapetinġuwa le abo nġak minmba minamnġaig wam ta ndo tairnġa minap.

²² Nane Kuate tuku pasa ismba wamdus kine inumde mbal sinaniġmba turkap. ²³ Afu nġisika pa mbol kambim bafude ta pitik kile-luka kilap. Nane afu une sugo nġak minig ta nane sinaniġmba nane tuku manġau ta tane rironġkap.

²⁴⁻²⁵ Mbara Sunġo ndindo nu sinġine Sunġo Yesus Kristus mbolġe muskil kile-tidinġe sinġit ta nu tane bariġgubekaig nġa nu tane kulatkam kumuġ. Nġumnenġa nuġe kilnġa sanġri nġak tane tugumnġe tane gare nġak mbar kugatok kile-tidinġam kumuġ. Nu kilnġa sunġo sanġri nġayo nyu sunġo minmba minna ta kile minit. Nu tanġamba minmba minamnġat.

Son.

KUATE TUKU PASA
Portions of the Old Testament and The New Testament
in the Siroi Language of Papua New Guinea
Sampela hap Buk Baibel long tokples Siroi long
Niugini

copyright © 1975, 1999 Wycliffe Bible Translators, Inc.

Language: Siroi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 22 Feb 2024 from source files dated 31 Aug 2023

9d2e8659-afb4-5cca-93d8-23ebf89e1709